



# -Pamebhamε

"Nimlɔɔ : 18 "Tiëdhe "Su

-Kwε 2007

"Su -bha 'sëedhe -mü "Gwεetaawo

## 'WɔN -TAɔNG -MA 'GÜ 'SËEDHE

-Bhawɔn 'to dhe 'ö dho -Pamebhamε -wo pö -mε -nu "piü

-Pamebhamε 'ö -kë  
naɔ -ma 'gü 'sëedhe  
'ka, -a -wo pö -mε -nu  
"pepe, -dhe =ya =kpaɔ  
ka -bha -ee ? Ka  
nuwεε yë -bha mü. Kö  
ka -kɔwɔn -yö dhi bha  
'aa -yë kë ?

Yi dheebhang -nu  
ka -dho yi -bhawɔn 'to-  
-Pamebhamε "nimlɔɔ

ya, -a -bha bha. Yi  
'dhang- bho -sü -ya  
"dhiü =dhe 'ka yi -  
bhawɔn 'to. =Dhe kwa  
-wo -ya 'gü do =dhe  
kwa -de -wo 'ö bha  
kwa -dho "slë mɔɔ- -a  
-bha kö -yö 'dho "dhiü.  
=Ya 'go yö -zë -a  
'gü, 'ö 'wɔn -së 'bha

'dhö ka -zo "piü kö  
'ka- pö yi -dhe  
-Pamebhamε "gblɔɔ  
"piü, -potaasü -yö ka  
-gɔ. -A "dhia -yö -dho  
'ma yi 'gü. -A -gen -mü  
=dhe -gleng 'yaa 'go  
'gu do 'gü

**Kwaa- =danwo pö "sε 'gü -wɔn**

-Dhikodhe -troo



## "Kunmana "gblügbü -nu 'wo -ya

-Kwε ya- 'ka (2007)  
"kunmana "bhlëngnë -  
kaɔng do ö ga do =në 'ö  
'kwa- -nu =slɔɔ. Wo  
=nε: "Maa "sε 'gü :  
"Maadhe yaan- -bha  
-dhe -bha -mü **Mane**  
**Abëdulayë** 'ka.  
"Lugwaadhe -bha -mü  
"Seri Able 'ka.  
"Sanggwinnig -dhe  
-bha -mü **Okie =Kofi**  
**'Dhɔsië** 'ka.

**Gbiaangwinng "sε 'gü**  
:  
Gbiaangwinng -dhe  
yaan- -bha -dhe -bha  
-mü **Baoto Lui Gistavë**  
'ka  
-Gbɔng "dhiü -dhe  
-bha -mü **Kobelan**  
**Dongo Emanie** 'ka  
'Siiploo -dhe -bha -mü  
**Diedie Gogwa Grögwa**  
'ka.

**'Dannëng "sε 'gü :**  
"Dannëng -dhe yaan-  
-bha -dhe -bha -mü  
**Kwame 'Bi Tibe**  
**Wlobë** 'ka  
Maaploo -dhe -bha  
-mü =**Kwaku Wita**  
**'Angzië** 'ka.  
-Zɔwεen ("Zuaang  
Uεen) "sε 'gü :  
-Zɔwεen -dhe yaan- -  
bha -dhe -bha -mü **Ala**

=**Kwaku Leɔng** 'ka. Yö  
-zë "sɔdha -mü.  
-Ben Uεen -dhe -bha  
-mü **Zadi Flangsisü** 'ka.  
"sɔdha -mü -a 'ka.  
Teaploo -dhe -bha -mü  
**Komoe Esɔng** 'ka.  
Kö 'wɔn -së 'ö -kë kwa  
-dhe -kwε -ya 'gü -a do  
bha.

**Kwaa- "Kɔdivuaa -sε 'gü -wɔn**

'Wɔn -siö 'ö- wo -kɔɔyi -dhe 'Biya

"Kwi -a "su 'ö -kë 'Utö 'ka  
bha, -a -dhekpɔɔyi -kaɔng do  
ö ga "sɔɔdo bha, =weeyi  
(-kɔɔyi) -yö kë -pa yaa wo  
gbeng do 'gü "kwanng- -dhe  
'ö -kë **'Pɔɔ 'Bue** 'ka 'ö 'viɔngso  
-dhe 'dhö- 'gü bha- 'gü. -Dhe

bha -yö -kɔɔyi "dhiü. -Aga,  
gbeng bha- 'gü, 'yö "yi bha 'ö  
-kan mε -nu 'gü mü. 'Kɔ -nu  
'wo gun "yi "dhiü bha 'yö "yi  
'ö- -nu -kaɔng do sü ( 10).  
"Kεε -Zlaan nuwεε, ga 'yii kë  
bho



## "Kpungtaadhɛ -wɔn

### "Sɛ -bha =zii 'ö wo Peru

Peru "sɛ bha -yö -ya -sü  
'ka =Dhamlɛkɛɛn -dhɛ -gɔ  
"sia- =yɛn. "Kwi "puu -nu  
waa- ɛngdiɛn -nu =nɛ 'wo-  
'gü -mɛ -nu 'ka. 'Utö  
-dhekpaɔyi -kaɔng  
do ö ga "sɔɔdhu bha- 'ka  
-tɔ -dho 'kɔɔdhö "tüng bha-  
'gü, 'yö "sɛ 'dhö =zii -a 'pö-  
-nu 'wo- -nu -dhɛ Pisko,  
lkaa waa- Siensia, -a -nu 'gü.  
'Pö- -nu bha -wo Peru -bha  
'pö- 'kpɪi- 'ö -kɛ Lima 'ka -a

-gɔ 'nɛ 'bha =gblɛɛn, -yö  
-ziö "kidhung kɛng =plɛ -ta.  
"Pɛɛn -nu 'ö 'wo bha, -tɔn  
waa- -dhɛngga =gblɛn  
=gblɛn =nɛ 'wo mü 'gbɛ. 'Mɛ  
-nu 'ö -nu -bha 'kɔ -nu 'wo  
wü -wo -ziö mɛ "gblü kɛng  
do ö -kɔ "sɔɔplɛ(170.000)  
-ta. 'Mɛ -nu 'wo ga -wo  
-ziö mɛ kɛng "sɔɔdhu ö -kɔ  
-yiisiö (540) -ta. 'Yö 'mɛ -nu  
'wo =gii, 'wo -ziö mɛ kɛng  
=plɛ -ta (2000).



-Kwaa 'gü ma 'ka =dhɛ "sɛ  
bha 'wɔn "gbɪgbɪ -yö -kɛ 'ka.  
-Kwɛ "gblü do waa- -kwɛ  
kɛng "suesiö ö -kɔ  
"sɔɔplɛ(1970) bha- 'ka, "sɛ  
-yö kɛ -zii mü 'zü 'ö mɛ "gblü  
-kaɔng "sɔɔdhu(50.000) 'wo  
ga.

## Mɛ =slɔɔ -pɛ -nu -wɔn

### "Kɔdivua waa- Itali

"Kwi -a "su 'ö -kɛ  
zue 'ka 'ö -ziö ya, "sɛ  
'bha 'wo- -dhɛ itali,  
"kwi -naa "sɛ 'ka, -  
a 'gü -mɛ -nu  
'bha -wo kɛ -nu  
kwa -gɔ yö. -Wa  
-Pö =dhɛ kwaa-  
'banngkɔ -nu bha,  
wɛnng- -nu woo yɛ

kɛ wo 'kwɛɛ-. -A  
-wɔn 'gü, woo 'nɛ  
dhebɛ -nu -bha yɛkɛ  
-dhɛ do dɔ ; woo 'nɛ  
glɔɔn' -nu 'sü kö  
-wo 'dho- -nu 'ka wo  
-gɔ "sɛ bha- 'gü kö  
-wa -nu draan- 'wɔn  
-sɛ 'gbɛ -yɛ 'ka. Woo  
=badhong -zuö -

dhɛ =klang-  
"kwanngdhɛ do -ya  
yö. -A yɛ 'bha -nu  
wo mü 'ö woo-  
-nu kɛ. -A -nu =gban  
-da 'kwɛɛ -sü sɔnng  
-yö kwaa- 'wɛɛ- ya,  
-a "miliaa -kaɔngdo  
(10.000.000.000).  
Woo do bha =wa 'kɔ

"gblügbü kɛng =plɛ  
waa- 'kɔ do (201) -  
yɛ zü bho  
Bɛnngziɛɛvilö kwa  
-gɔ yö. -Ya -nu "piü  
'zü =dhɛ yɛ =gban  
-yö yɛn "su -kaɔng  
do ö ga "sɔɔdhu  
"piü.

## 'Wɔn 'ö -gban -potaasü -wɔn -bha.

### "Kɔdivua waa- Itali

"Kwi -a "su 'ö -kɛ  
zue 'ka 'ö -ziö ya, "sɛ  
'bha 'wo- -dhɛ itali,  
"kwi -naa "sɛ 'ka, -a  
'gü -mɛ -nu 'bha -wo  
kɛ -nu kwa -gɔ yö.  
-Wa -Pö =dhɛ kwaa-  
'banngkɔ -nu bha,

wɛnng- -nu woo yɛ  
kɛ wo 'kwɛɛ-. -A  
-wɔn 'gü, woo 'nɛ  
dhebɛ -nu -bha yɛkɛ  
-dhɛ do dɔ ; woo 'nɛ  
glɔɔn' -nu 'sü kö  
-wo 'dho- -nu 'ka wo  
-gɔ "sɛ bha- 'gü kö

-wa -nu draan- 'wɔn  
-sɛ 'gbɛ -yɛ 'ka. Woo  
=badhong -zuö -dhɛ  
=klang- "kwanngdhɛ  
do -ya yö. -A yɛ 'bha  
-nu wo mü 'ö woo-  
-nu kɛ. -A -nu =gban  
-da 'kwɛɛ -sü sɔnng

-yö kwaa- 'wɛɛ- ya, -  
a "miliaa -kaɔngdo  
(10.000.000.000).  
Woo do bha =wa 'kɔ  
"gblügbü kɛng =plɛ  
waa- 'kɔ do (201) -  
yɛ zü bho  
Bɛnngziɛɛvilö kwa

-gɔ yō. -Ya -nu "piü  
 'zü =dhε yë =gban  
 -yö yën "su -kaɔng

do ö ga "sɔɔdhu  
 "piü.

## 'Wɔn 'ö -gban troo -nu -bha mε wɔkɔ -nu 'gü =Badhong

'Utö do 'ö -ziö ya 'ö  
 sü -a -dhekpacyi  
 "suesiö -bha 'ö yō-  
 'ka -a -kaɔng do ö ga  
 "sɔɔdhu -bha  
 =badhong -yö kē  
 -zuö 'Biya. "sɛgɔ  
 -yiisiö =nē 'ö 'wo kē  
 a -zuö. Wo -mü  
 niziεε, Buukana  
 Faso, Ganbi waa-  
 "Kɔdivua 'ka.  
 -Wa kē "dhü  
 =tɛdhɛng 'wo- dhε  
**Wlobεε Siangpru** 'ö

**Maakori** kwa -gɔ  
 'Biya yō bha =nē-  
 -ta. =Dhε 'ö -kē =dhε  
 =tɛdhɛng bha, =waa  
 -pē -dee kē, =wa  
 'kpaa- -sē -dee ta -a  
 -ta bha, 'yö 'wo-  
 -dee 'gü nia" bho.  
 =Badhong -ziö  
 -kɔlookota 'kpīi- 'ö  
 "kɔdivua 'wo -dhε  
**'Fifē** bha =nē- kɔ 'ö  
 gun 'wɔn bha- 'gü.  
 =Badhong suu 'dhε  
 'ö "dhü bha, -a -zuö

-kɔ -blɛεsü  
 =nē gun bha. 'Nē -  
 nu 'ö- -nu -kwε 'yii  
 kē =mɔɔ =kō  
 -kaɔng do ö ga  
 "saɔplε (17) -bha  
 =nē 'wo gun 'wɔn  
 bha- -bha. =Dhε 'ö  
 'wo- -zuö "dhü,  
 "sɛgɔ 'ö kē gɛnyɛn  
 yō -mü Ganbi 'ka.  
 'Kupē bha -wo kē-  
 dhε **Gbagbo**  
**Loranng -a 'kupē.**  
 'Mε 'ö 'kupē bha,

**Ganbi** -mε -nu 'wo  
 kē yō- =kwεε-, yō  
 -mü =minisi 'ö -kē  
 mε -gɔ -yɔɔn  
 'kwēē- =minisi 'ka  
 -gblü ya "yan =wlöö,  
 'ö -kē **Danɔ Diedie**  
 'ka bha, =nē- =kwεε-  
 .  
 Ganbi 'nē -nu -wo  
 kē 'bii- =plε =nē-  
 -da, 'yö Buukina  
 Faso 'nē -nu 'wo- do  
 bho.

## "Yü -wɔ

=Ya "suü ö -de -a =geebē -gɔ.

Gɔndē do 'bha bha  
 -wa -dhε Kou"  
 -Gblukpayi. 'Mε bha  
 'yö =geebē "gbu- do  
 kun. =Dhε 'ö nu  
 'ka'yö ö bha 'kɔdhi  
 'gü -mε -nu -dhε  
 'ö- pö =geebē bha-  
 dhε mε =gban "yan  
 "dhiü mü : << Boo

-glɛε, =ya kē =dhε kō  
 ma dhebē -nu -wo  
 dü kē, -a -nu zē. Ma  
 =nē 'a pö. Kö ma 'nē  
 -nu -wo dü kē, -a  
 -nu zē. Ma =nē 'a  
 pö. Kö n 'zlaa- 'ö -ya  
 ya waa- -bha dhebē  
 -nu -wo dü kē, -a -  
 nu =gban zē

"pɛɛpɛdhö, -a -  
 dhiang 'to n -gɔ. Kö  
 mang -dede 'a dü  
 kē, ɔɔ' ! ɔɔ' ! ɔɔ' ! -a  
 'dhε 'kö bha, -  
 nnnn ! >>  
 -Nnn -yö -to "dhi kö-  
 'zlaa- -yaa Pö: << 'Yö  
 n =dhoo ! -mē 'ö -kē

-yö yö ü -bha, 'yö  
 'bhaa pö -yö ü zē,  
 'yö 'ü- pö : ɔɔ' ? -A  
 pö -yö ü zē...>>

-Sakpa Bɛnaa

## "Gwüŋg



<< "Yi 'yaa goo 'to. >> 'Kwa- pö "dhü kö kwa- -pö =dhε -kɔ do bha- 'gü, 'bha 'dho ü -de -wo 'to-.

## Pë -Wlangda –sü

"Yu -to 'gü -wɔn 'sëedhe

-Pamebhamɛ -wo pö -mɛ -nu, -ka ka baa-, kaa- 'sëedhe do yöö zun "kpenng. -Wa -dhe "yu -to 'gü -wɔn 'sëedhe

**Pë "bin 'ö ya -a - ga -sê 'ka -A do -zë 'ka -dhe -yö "saga. -A -nu mɔɔ-**



'Ka ka bo 'sëedhe ya- -wo pö -sü 'ka, 'wɔn 'bha =ya kë ka -gɔ kö 'ka pö yi -dhe, -ka 'sëedhe kë kö 'ka bɔ. Yii- 'dresü -mü 08 BP 857 Abidjan 08 'ka. Tel. 22.43.12.72. / 08 18 08 88 / 06 20 04 00

'Mɛ -nu 'ö 'wo 'sëedhe 'ö ya- -kë, wo -mü =Sai Zoziasü , "Dhɔɔgbö Zafe, =Kesɪ Mɔyan Dhifɔngsü, Valangten Vidrinö waa- Edhena Pedhekwalösökaya 'ö- -nu =gban =plɛ 'wo go Dhusi 'ö -da "Ansü 'ö go 'Suisü -a -nu 'ka